

საქართველო


სურათებიანი ლამაზება
გაზეთის № 147 ლამაზების № 27

პვირა, 3 მკათათვე, 1916 წ.

საქართველოს
გაზეთების
კავშირი



ბრძოლის ველი. ნაპოლეონის ომის დროიდან.



სტეფან სიმონის ძე ელიაძე.
ცნობილი ქველმოქმედი ქართველი (მოხუცე). გარდაიცვალა 1916 წ.

* * *

(ძველი რვეულიდან)

გოგოვ, ეა შენი თვალეზი
ცელქი ცრემლების ტბა არი;
ჩემს გულშიც ჩამოიხედე
ნახე რამდენი ზღვა არი.

ზღვა ცრემლის, სისხლის, ნალელისა,
ზღვა ატანილის ჳირისა,
ზღვა გულში გადმოლექილი
სხვა მდინარეთა ჳირისა.

მაგრამ რა უყო, არ ვტირი,
არც ვჩივი, არცა ვლონდები,
ზღვა ჩემს მუქაში მგონია,
როცა შენ მომაგონდები.

გული შხამ-ნალველ ნასვამი
კიდევ სავსეა ბგერითა,
რა მომკლავს ვიდრე არ გავძდე
შენი თვალეზის ცქერითა.

შიო მღვიმელი.

სავლის მეფე

ვპოვე და დავკარგე... დავეძებ დავკარგულს!
ძებნადა გულს ვგზავნი სევდითა დაბარგულს..
მას ფრთები შევასხი შავი და ელვარე
დაჰქრის და დაგეძებს მრისხანე, მღელვარე!
ცაში რომ აგტყორცნონ, მიწამ რომ გავწიროს
და ხარბმა ქვესკენელმა ჩაგყლაპოს, ჩაგძიროს,
ზღვის ფსკერზედ რომ გაჩნდე ფირუზთა ციალში.
ატომად რომ თრთოდე სტიქიონთ ტრიალში,
გიპოვნის!.. გიპოვნი თვალბასრი, მქუხარე

თვით სიხარულშიაც უღიმო, მწუხარე!
გეწვევი ამაყი უღრეკის ქედითა!
დაგწვამ და მით გაგწმენდ უშრეტის სევდითა!
მე სევდის მეფე ვარ! ძალა მაქვს ულვეი!
ნუ მებრძვი ამაოდ, რადგან ვარ უძლვეი!..

* * *

ქვესკენელს რომ მიმართო, ახვიდე ცად,
ჩემს სევდა—ანდამატს წაუხვალ სად?!..

კ. მაყაშვილი.



ახალ კლუბში ყვავილებით გაკეთებული შოთა რუსთაველი ბალოსან გიგო მიხეილის ძის ჯიშკარიანის მიერ.

უპელური რუსი

(ქარგა ისტორიული)

შალვა დადიანიძე.

თავი პირველი

ბ.

ალიონი იყო, რომ გაქაფებული ცხენი მოაგდო თავადმა იურიამ ყიფჩაყთა მეფის ეზოს.

თავის გამზრდელ კუზმასთან შეიყვანეს.

კუზმა ლოგინიდან წამოიწია და გაზრდილს თვალი გადაავლო, თითქო პირველად სინჯავსო.

მაღალი და მხარ-ბეჭიანი 18—19 წლის ახალგაზრდა იურიამ თავდახრილი იდგა მის წინაშე. ოქროს ფერი, აბრეშუმის კულულები უცხო გვირგვინათ ჰქონდა შემოდგომული მის ფართო, ლომობიერ თეთრ-ყირმიზ სახეს. მოლურჯო, ცისფერი თვალები, შავი, ზევით ახრილი გრძელი წამწამებით და მშვილდურათ გაზიდული წვრილი შავი ფერის წარბები მართლაც საოცნებო ფერს აძლევდა მთელს მის პირისახეს. პაწია, მაგრამ სურათოვანი ცხვირი და თითქო ოდნავ გააობილი პატარა, წითლად წამოკვიებული ბაგე, ვარდის ფერ ატლასის პირის კანი, ეს ვოველივე ცოტა ქალურს, მაგრამ მაინც სილამაზის სურათს იძლეოდა.

კუზმას იამა გაზრდილის დანახვა. ეს ციური სახე-პირი, ვაჟკაცურად გაშლილ გულ-მკერდიან და თითქო ფოლადისგან ჩამოსხმულ მხარ-მკლავებთან კუზმას წარმოდგენით მთავარ-ანგელოზის მსგავსად ხდიდა მის გაზრდილს.

— იურიამ! — ლომობიერათ წამოიწყო კუზმამ. — გამოგზავნილები გეტყოდნენ უთუოდ რა ბედნიერებაც მოგვლის...

— მითხრეს, ჩემო გამზრდელო, მაგრამ კარგათ ვერ გავიგე... იქ, შორს

რად უნდა წავიდე?.. იქ უნდა ჩავესიძო?.. მომიტევე, კუზმა ვერ წავალ!.. მერე ეს ჩვენი ტრიალი მინდორი უნდა მივატოვო?.. ნაძენარი, არყის ხის ტყე?.. ჩვენი რუსეთი, კუზმა? ჩვენი მამული?

კუზმამ მძლავრად ამოიხვნეშა, იურიამ უფრო გათამამდა, თავი აილო და ციაგი, ბავშურის სათნოებით აღსავსე თვალები გამზრდელს მიაპყრო.

— თუ მაინც დამაინც იმ დედოფლის შერთვა მიუცილებელია, აქ მოვიყვანოთ... მერე კიდევ, თუ მართლა ეგრე ძლიერია, მისი ძალა დავიხმაროთ და დავიპყრათ ჩვენი მამული...

— მეფურად მსჯელობ, შვილო, მაგრამ შენი ბჭობა უტეხურია. დიდი და თავისთავადო ქვეყანაა საქართველო... იმ დედოფალს ჩვენ არავინ გამოგვატანს, ძლიერი სახელმწიფოა და ის ქალი მეფეა თავის ქვეყნისა... პირველად რომ გავიგე, მეც შენსავით გულმა რეჩხი მიყო: მერე ჩვენი მამული — მეთქი? მაგრამ... წუხელის თვალი არ მომიხუჭავს. ბევრი ვიფიქრე და... შემდეგ მეც გადავწყვიტე: უნდა წახვიდე, შვილო, უნდა შეერთო საქართველოს დედოფალი...

იურიამ ნატოფი შუბლი ოდნავ შეეკუმუნა და გაბუტულმა თავი დახარა. კუზმას ყურადღება არ მიუქცევია, თავისას განაგრძობდა:

— დიდი მეფე გახდები, იურიამ, მძლავრი ტახტის ხელმწიფე და შემდეგ... აი აქ გმართებს სიბრძნის გამოჩენა. ქართველებს დიდათ უჭებენ ვაჟკაცობას... წინედაც გამეგონა, მაგრამ წუხელს ყიფჩაყთა მეფემაც ამიხსნა, რომ მთელი აზია ქედ-მოხრილია მათ წინაშე და აი, შვილო... როდესაც მეფე იქმნები ამ გმირთ ხალხისა, მაშინ... მაშინ შეიძლება შენი რუსეთის მამულიც შემოუერთო შენს სახელმწიფოს...



მოსიარულე მეფისკე ილიკო ქურხული, ქუბაში უკრავს ჭიანჭურს

აქ კი ხმა დაუშვა კუზმამ.

— მთელი ეს პოლოვეცის მხარეც... შეიძლება ჩვენი უგზო უკვლოდ მოთარეშე ყახახებიც გაიერთგულო და ყირიმსაც მისწვდე... მაშინ... ვინ იცის, შვილო, შეიძლება ერთი დიდი იმპერიაც დააარსო...

იურიამ ერთი უცებ გაკვირვებით თვალები შეაელვა გამზრდელს. კუზმამ ამოისუნთქა.

— და აი, შვილო, ამ ქორწინებით რა დიდ საწადელს შეიძლება მიაღწიო. მაშინ ხომ ხედავ ჩვენი წინანდელი განზრახვა რა მცირეა... სად მარტო ჩვენი სამთავროს დაბრუნება და სად უზარმაზარის და მძლავრი იმპერიის დაარსება... შეიძლება, შვილო, თვით ღმერთმა ავირჩია ამ ისტორიულ დანიშნულების აღსასრულებლად... ეგ, ბედნიერი ყოფილხარ... მაშინვე, უბედურ ანდრეის ღმერთმა არ აღიროსა საწადელს მიჰხწვოდა, ვინძლო შვილო, შენ მაინც გაახარო შენი გამზრდელის გული და აღამალო უბედურ მამი შენის სახელი. განსვენებული რა კაცი იყო, როგორი მუხანათობით მოკლეს...

ამაზე ვაჟკაც კუზმას ხმა აუქანკალდა და თვალში ცრემლი მოერია, მაგრამ თავი შეიმავრა და გაზრდილს დაუძახა:

— მოდი აქ, იურიამ... იურიამ მორჩილებით დაიძრა, მაგრამ ტანს ეტყობოდა ერკემლის სიჯიუტე.

უცრად იგი ფეხ-ქვეშ ჩაუვარდა გამზრდელს.

— კუზმა! ნუ გამგზავნი... გვედრები, გემუდარები...

კუზმა შეერთა ამ ათროლებულ ჭაბუკის ხმაზე და დასალოცად აღებული ხელი ძირს ჩამოილო.

— იურიამ, ეგენი არ მომწონს! გაისმა მისი მკაცრი კილო.

— კუზმა... კუზმა... შენ ჩემი მამის მაგიერი ხარ... მამა... გულ-ამოსკენილი ქვეთინებდა იურიამ.

— რა იყო, რა მოგდის?.. — წელში სრულიად გაიშალა და ლოგინიდან ფეხები ჩამოილო კუზმამ. — დედაკაცი კი ნუ გახდები... რა მოგდის?

— არ შემიძლიან წასვლა არა... ლულულულებდა ვაჟი.

კუზმას ცალი წარბი ზევით წაუვიდა, ცალი თვალი ცოტა მოეხუჭა და ქვეით ჩამოშვებულ, ჩამოშლილ თეთრ ულვაშებთან ღიძილმა გადაუელვა.

— ჰმ... გიყვარს ვინმე?.. ეგ, შვილო არაფერია! ჭაბუკი ხარ მაშ როგორ იქნება?.. მაგრამ ჯერ გამოუცდე ხარ... ქალეის მეტს რას იშოვნი, შე — სულელო, შენა.

ლმობიერად და ალერსით ხუტუტა თმებზე დაიჩქილ შვილს ხელი ვაღუსვა.

— საქართველოში რომ მიდხარ, მონასტერში კი არ იგზავნები... სულ საქართველოს ქალები შენ ხელთ არ იქნება?.. დედოფლის ქმარი რომ გახდები, ბერათ კი არ უნდა აღიკვეცო... დედოფალი დედოფლად... მაგას ისტორია მოითხოვს, სახელმწიფო მოსაზრება, აი ვინც გიყვარს... მხოლოდ ჯერ არა, ჯერ დაიჭირე მოშორება. შემდეგ მოასწრებ... მეფე არ იქმნები? ბრძანებ და... გათავდა.

თანდათან მოლბა კუზმა.

— ვინ არის?.. ჰაი, შე — ცულულ-ტო! შექველია ლამაზია...


იურიამ მაინც ქვეთინებდა.

— ჰო, კარგი... ეხლა... მითხარი შენს, გამზრდელს შვილო, მე არ დაგძრახავ...

პასუხი ვერ მიილო. კუზმამ იფეთქა.

— მაშ რა ღმერთი გიწყრება?.. ხელები მოეკუმშა. თავი შეიმავრა. ყრუთ უბრძანა:

— გასწი, დამეკარგე!



ბრძოლის ველი.



იაკობ კონსტანტინეს ძე ძაბიშვილი
(იხ. დღევანდელი გაზეთი.)

იური ზღაზღით წამოდგა და გა-
წკვილ ლეკვივით კარებში გაიძურწა.

გ.

დილის საუზმეზე ყიფიყათა მეფემ
კუზმამ და ზორაბაბელმა დაასკვნეს,
რომ მგზავრები ორი დღის შემდეგ
უნდა აბარებულყვნენ. ამაღას კი
არ გააყოლებდნენ ახალგაზდა იუ-
რიას, მხოლოდ კუზმა წაჰყვებოდა.

ზემით ჩასვლას შემდეგშიაც მოვე-
სწრებითო, გადასწყვიტეს.

ეხლა საკმაოთ მიიჩნიეს, რომ ყიფ-
ჩაყათა მეფეს მის სამფლობელოში და-
რაჯნი ეახლებინა, შემდეგში ოგსეთის
სამთავროზე გადავიდოდნენ და იქ
უკვე ფიქრი არ იყო: საქართველოში
შომავალ ვაჭარს არავინ ხელს არ ახ-
ლებდა.

ზანქანო დაჰპირდა მეფეს, რომ რო-
გორც კი საქართველოში იური და მო-
წონებული იქნებოდა, მაშინვე აფრე-
ნდა მათგან მალაღ მსრბოლს ვინმე
შათირს და ყოველივეს აცნობებდა,
ხოლო ჯვარის წერისთვის თვით ყიფ-
ჩაყის მეფემ მოისურვა დიდის ამალით
და გამორჩინებით ჩამოსვლა საქართვე-
ლოს.

სამაგიეროდ ზანქანამაც მოითხოვა,
რომ როგორც კი იური და ჯვარს დაი-
წერდა, მისი ფული უკლებლივ უნდა
მიეღო.

პირობა დაუდევს და გახარებულნი
სმა და პურობას შეექცნენ.

ამასობაში კი ახალგაზდა იური
ოთხში ამოღებულ მფრთხინავ ქუ-
რანს მიაქროლებდა სუნჯას ველზე.

აგერ არყის ხის ისრებივით ცისკენ
ასხლექტილი ქოჩორა ტყე.

შორით ისე მოსჩანს თითქო საზლა-
პრო რამ სასახლეაო.

წინ თეთრ-კანიანი, ურტოებო ხეე-
ბია ჩამორიგებული. ეს თითქო მოსა-
ვალის სვეტები არის.

შინით კი სიხშირეში, თეთრსავე
წარჩობებში ჩაშავებული არე მოსჩანს,

თითქო თაღებია და მალარობია გა-
ყვანილიო.

ზევით კიდევ მწვანე გუმბათი.

ამ სასახლეში ცხოვრობს განთქმუ-
ლი მოთარეშე, ყაზახი რუსი, იურიას
მეგობარი.

ბევრი არიან ესეთი „გაჭრილი
ტყე და ველათ.“

მათ ვერ იგუეს მთავრობის სიმძლავ-
რე და თავი მისცეს მოუსვენარს,
მაგრამ თავისუფალ ცხოვრების მიღა-
მოებას.

ამათში ყველაზე უფრო რჩეული,
ყველაზე გმირი და სახელ-განთქმული
იურიას მეგობარია.

— ეი, რედელია!

გაჰყვირის ტყესთან მიახლოებული
ახალგაზდა მხედარი.

— აქეთ, ჩემო შევარდენო, აქეთ!
გამოისმის ტყიდან მკაფიო და ძლი-
ერი ხმა.

ლაგამს სულ მიუშვა ხელი სურამ.
ქურანიც დაფეთებულივით ტრია-
ლებს ტყის ლაბირინტში.

მიაგნეს რედელიას.

თვითონ ცხენი შეჩერდა.

ტყის შუა-გულ, ცეცხლის პირას
მჯდომი, ზეზე წამოდგა ერთი მთა-
კაცი.

შუა-ხნის არის ეტყობა, მაგრამ ჯერ
კიდევ კარგა შენახულა. მხოლოდ
ფართო წაბლის ფერ წვერების ბოლო-
ებში ორიგ მხარეს თითქო თეთრი
ყინულები ქვეით ჩაზიდულან.

ტანს ჯავშანი აცვია და მთელი
აგებულობა ტყვიდან ჩამოსხმულს
უგავს.

— რა ჰქენ, რაზე გიხმეს?

— ჯვარსა მწერენ, რედელია!

რედელიამ თითქო არ გაიკვირვა,
მაგრამ ერთი მაინც თვალი გადაავლო
იურიას. შემდეგ თითქო ჩაიციხა:

— მერე რა გიშავს! უკვე დროა
ცოლის შერთვისა. მეფის შვილი ხარ,
მაშ ისე ვინ დაგაყენებს... რამდენჯერ

მითქვამს, ჩემსავით თავისუფლად შენ
არავინ გაგიშვებს-შეთქი...

— არა, მე უშენოდ არ შემიძლიან.
თავისუფლებას ვერ მოვიკლებ.

— ჰო კარგია, ჩემო მართვე.—ერთი
ჩამოხტი... მიაშვე ვინ არის შენი სა-
ცოლო... აქვე მივსხდეთ ცეცხლის პი-
რას... ისეთი არაყი მაქვს და გარეუ-
ლი ღორის ქონი. ტახისა, ტახის...

იური და ჩამოხტა. ცხენს სადავე უნა-
გირზე გადაუგდო და რედელიას ცხენ-
თან დააყენა. რედელიას შავმა მერან-
მაც თითქო სიამოვნებით მიიღო სტუ-
მარი. ყელი ყელს გადაჰკლო, რალაც
ჩაუფრუტუნა.

დასხდნენ მეგობრები და იურიამ
უამბო ყოველივე.

რედელიას თანდათან სახე მოეღრუ-
ბლა და არაყს მიეძალა, იურიასაც
ხშირ-ხშირ უსხამდა.

— ჰო და ეხლა მითხარ, როგორ
დაესთმო ეს ყოველივე?

არყისაგან შეხურებული და თვალზე
მოელვარე განაგრძობდა იური.

— შენ მასწავლე ტყის თავისუფა-
ლი ცხოვრება... ნადირობა, ქარავანზე
დაცემა, სოფლელების აწიოკება, ლა-
მაზების გატიცება... შენ შემასწავლე
ჩვენი გმირული სიმღერები... რედე-
ლია, ჩემო კარგო... დამიხსენ, მომი-
ტაცე, წამიყვანე... გადავვარდეთ
შორს, შორს სადმე, რომ მხოლოდ
მოზუზუნე ქარი იყოს ჩვენი მეგობა-
რი, ტრიალი მინდორი ჩვენი მხლებე-
ლი და უღრანი ტყე ჩვენი ასპინძე-
ლი...

რედელიას კვლავ მოუხეზავდა ჩაე-
ცინა, მაგრამ თითქო სიბრაღულით
გადახედა ჰაბუკს.

თვალეში ამღვრეული ჰქონდა, ეტ-
ყობოდა არაყი მოქმედებდა.

— მოდი აქ, მაკოცე, ჩემო შევარ-
დენო...

ცხენებმა ტყის სიხშირის მისცეს თავი.
არყის ხის ფოთლები თითქო უფრო

ათრთოლდნენ და რალაც საიდუმლო
შრიას მოჰყვინენ.

უეცრად ამ ტყის იდუმალებაში გა-
ისმა ველური რამ, საცვიფრელი სიმ-
ღერა.

მღეროდა რედელია.

ფერ-მიხდილი და თვალზე მიბნე-
დილი იური რედელიას მკერდზე იყო
მისვენებული. იგი თითქო ბურანში
იყო, მაგრამ ტურები ნეტარებით უღი-
მოდნენ. მას ესმოდა მისი საყვარელი
სიმღერა.

ეს იყო ქარის მიდამოება, ტრიალ
მინდვრის უდაბურება და ადამიანის
მოუხეზავ ძალის გაუგებლო ხეთქება.
მხოლოდ იგრძნობოდა, რომ ამ ძალას
უყვარდა თავისუფლება.

დიდხანს მღეროდა რედელია. ცხე-
ნებიც დაბრუნდნენ თითქო ძის მო-
სასმენად და ტყეშიც ვითომ დროე-
ბით შეაჩერა მისი დაუნდაპელი შა-
რიშური.

თვით რედელიც სიმღერისაგან გა-
მოფხიზლდა. უეცრად შესდგა. თავზე
ხელი გადაუსვა იურიას და ოქროს
ხუჭიკი თმა კიდევ უფრო აუშალა.
შემდეგ შეანძრია:

— გინდა წავიდეთ სვეტლანასთან?
იური და სწრაფად მოეგო გონს.

— სვეტლანასთან?—ოო, გავსწიოთ,
გაგქროლდეთ.

და მართლაც ცოტა ხნის შემდეგ
ორივეს მერანი რაშებივით მიაქრო-
ლებდნენ თვალ-უწვდენ მინდორზე.

იმ ღამეს სვეტლანას ჯარგფალში
დიდხანს, დიდხანს გამოისმოდა რუ-
სულ ბალაღაიკის ხმა. თვით რედელია
გაგიჟებული უკვლიდა ბუქნას.

საცემელ-შემოძარცული სვეტლანა კი
თავის სქელ თმაში გახვეული არყით
დამთვრალს და ეშხით გონება-მიხ-
დილს იურიას ეჯდა მუხლზე და ყელს
შემოქდობოდა.

მოიქანცნენ.

დილით კი გვიან გაეღვიდა იურიას



შაშინვე რედელია იკითხა. სვეტლანას დედაბერმა უპასუხა, რომ რედელიამ გათენებამდის გაქუსლა და ეს დაუბარა:

— ჩვენ შორის ყოველივე დასრულდა, ჩემ კვალს ნულა ეძებ... შენც შენს საქმეს ეწეო.

ამის გაგებაზე იურიას თითქო ნიადაგი გამოვიცალა, დიდ-ხანს აზრი ვერ შეიკრიბა. არა სჯეროდა. შემდეგ სვეტლანა იკითხა. უპასუხეს, რომ კიევიდან ვილაც რაინდია ჩამოსული და სვეტლანა მასთან წავიდაო. ამან სულ გააფთრა, კინაღამ დედაბერი ხმლით აჭკუწა, მაგრამ დედაბერიც გაუსხლტა და მიეფარა.

მაშინ კი მწვავეთ იგრძნო სრული მარტოობა და გული ამოესკვნა, მთელის ტანით ქვითინად იქცა.

დედაბერი კვლავ შემოიპარა, წყალი ასხურა, ლოგინზე მიაწვინა ბავშვივით და ალერსი დაუწყო.

იურიას თითქო დაუამდა. შემდეგ გარკტიანებულივით წამოდგა, ცხენი მოსძიებდა, შეჯდა, მაგრამ ლაგამს ხელი მიუშვა და თითქო თავი მის ტაიქს მიანდო.

სალამო ხანი იყო, რომ ცხენმა სამყოფელში მოიყვანა.

ყიფჩაყთა მეფე ტუქსვით შეხვდა, მაგრამ ძალიან არ გაწყრომია. ხუმრობდა კიდევ: ეს უკანასკნელათ იგიჟიანებს თავს, სიყმაწვილეს ეთხოვებო.

მხოლოდ კუზმა იყო დაღვრემილი. იურიას არაფერი არ უთხრა. მის სა-

ვანეში შეიყვანა. შეატყო რომ დალილია, ლოგინი გაუსწორა, მსახურს უბრძანა ფეხთ გაეხადა იურიასათვის და თვითონაცოთახს ჩუმად გაეცალა. შემდეგ მსახური გარედ გაუშვა.

იურიას არ ეძინებოდა. თვალბგაშტერებული დიდ-ხანს იყო გულაღმა დაწოლილი.

მის უწვრთნელ, ჭაბუკ გონებას ვერ დაეძლია ესდენ ძლიერ განცდათა ერთად თავ-მოყრა: სადღაც ახალ ქვეყანაში წასვლა, დატოვება ყველა იმის, რასთანაც შეზრდილი იყო მისი სული და გული, მისი ხორციც-კი, მისი სიგიჟის, მისი თავმუუქავლებლობის და განსაკუთრებით-კი დათმობა რედელიასი... ამ გოლიათის, ამ საოცარი აღამიანის. იურიას ხომ იმის მსგავსი არაფერი არ უნახავს სიცოცხლეში!.. ისეთი ვაჟკაცი, ისეთი შეუპოვარი... ნოვგოროდელ კნიაზს გამოექცა და აქ ტყეს მისცა თავი... აქ ყიფჩაყთა მეფემ ერთხელ შეპყრობა მოუნდომა, მაგრამ როგორი სირცხვილი აქამა თვით მეფეს და მის ამაღას... შემდეგ თავი მიანებეს... რედელია-კი იმდენად პატიოსანი იყო, რომ ყიფჩაყთა სამთავროს არას ერჩოდა... ზოგჯერ აქ მომავალ ვაჭრებს, თუ მის ახლო ჩამოვილიდნენ, ცოტა რასმე საჭიროს ასწაპნიდა... ერთხელ მგონი ზორაბაბელსაც აწყენინა ცოტა, მაგრამ ეს იყო და ეს... თვითონ-კი იურიამ როგორ გაიცნო?... ოო, ეს დიდი ხნის ამბავია...

ნადირობის დროს... პირველად რომ

შინაყებმა შავარდნებით ხობობზე წაიყვანეს... ტყეში, ეკალ-ბურღში გაიხლართა იურიას... ისე რომ ვერც ცხენმა და ვერც იურიამ კინაღამ თავი ვერ დააღწიეს... შინაყები შორს ჩამორჩნენ... ამ დროს საიდანღაც გამოძვრა ეს მთა-კაცი... პირველად მის შეხედვაზე როგორ შეეშინდა!.. მაგრამ რედელიამ მოუფერა... ეკლები გაუწია, ცხენიდან ბავშვივით ხელში აიყვანა... მაშინაც კარგი მოყვანილი ჭაბუკი იყო, მაგრამ რაც დედიამ მისი მძლავრი მკლავებით ბურთივით ზეაიტაცა და მუხლებზე დაისვა... როგორი მძლავრი იყო მისი თვალები... იმორჩილებდნენ... ტანს სულ ცახცახი დააწყებინა, უნდოდა გასხლტომოდა კიდევ, მაგრამ სად წაუზვილოდი ამ რკინის მკლავებს... შემდეგ როგორ მოდუნდა, გონება წაერთო და ბურანში გაეხვია... მას შემდეგია ამ კაცმა დაიმორჩილა. თითქო მისი აზრით აზროვნებდა, მისით ცოცხლობდა... ზოგჯერ არ უნდოდა კიდევ, მაგრამ რაღაც მძლავრი ძალა რედელიას ტყიდან მოურევნელად ეწოდა მისკენ... მტკივნეული იყო ეს ნეტარება, მაგრამ მაინც ნეტარება იყო რედელიასთან ყოფნა. პირველად მან გააცნო ის დაუნდობელ, „ტყის ალქაჯა სვეტლანა“... ასე ეძახოდა რედელია... და განა მართო ალქაჯი?... ვინ მოსთვლის კიდევ რამდენი მოქნილი და ვნებით ათრთოლებული მკლავები მოხვევია იურიას მოღვრებულ ყელს?... ეს სულ რედელას ხერხი იყო,.. ოო, იცოდა მან იურიას

სისუსტე—და აი ეხლა ამ კაცმა, რომ მელსავით არავინ არ ყვარებია ამ ქვეყანად... თვით კუზმაც კი—მისი გამზრდელი, მისი მამის მაგიერი... არა ასე არც ის ყვარებია და... ამ გვარმა კაცმა უღალატა... უღალატა მაშინ და იმ დროს, როდესაც ყველაზე უფრო ჭირდებოდა მეგობრის მძლავრი ხელი და გული...

ამ გაფიქრებაზე იურიას ლოგინიდან გიჟივით წამოიჭრა, მაგრამ კუთხეში დიდ-მაცხოვრის ხატს შეასწრო თვალი... მის წინ წმიდა სანთელი ნელინელ პარპალებდა... და მოსხლტეილივით მის წინაშე ორივე მუხლებზე დაეშვა.

კარების ჭუჭრუტანას გარედან შავი ნავთი ჩამოშორდა. თვალბგმა სიხარულით გაიელვეს.

ეს კუზმა იყო.

— გადარჩა!—ათრთოლდა ჩუმად ეს სიტყვა მის ბაგეზე და გასწია მეორე მხარესკენ.

მეორე დღეს ყიფჩაყთა მეფის დარაჯების თანხლებით ზანქან ზორბამელი, კუზმა—რუსი და ანდრეი ბოგოლიუბსკის ვაჟი, უფლისწული იურიას უკვე გაემგზავრენ საქართველოს.


შალვა დადიანი.

(შემდეგი იქნება)

უწყლოობა თბილისში



ცხვირს აიკარით ბატონებო, ხელსახოცია, სუნი სდვას, უწყლოთ იქ ერთი რამ წარსახოცია!



ძლივს! წყალი! წყალი!